

**CONVENIO DE COLABORACIÓN ENTRE O CONCELLO DE VIGO A FUNDACIÓN AXENCIA INTERMUNICIPAL DA ENERXÍA DE VIGO (FAIMEVI) E COLEXIO OFICIAL DE ENXEÑEIROS INDUSTRIAIS DE GALICIA (ICOIIG)**

Na Casa do Concello de Vigo, a 18 de novembro de dous mil catorce.

**REUNIDOS**

Dunha parte, D. Abel Caballero Álvarez, na súa calidade de Alcalde do Concello de Vigo (CIF: P-3605700-H), con enderezo en Praza do Rei s/n de Vigo.

Doutra parte, D. Bernardo Parajó Calvo, en calidade de Director da Fundación Axencia Intermunicipal da Enerxía de Vigo (FAIMEVI), con CIF G36921278, inscrita no Rexistro Único de Fundacións de Interese Galego co número 2004/6, con domicilio a efectos de notificacións na Rúa Oporto nº 1 -1º, 36201 Vigo, actuando en nome e representación da mesma, no uso das facultades do seu cargo recollidas no artigo 24 dos estatutos da Fundación e do acordo expreso do seu Padroado na súa reunión ordinaria de 7 de abril de 2005.


E doutra parte, D. Oriol Sarmiento Díez, en calidade de Decano do Ilustre Colexio Oficial de Enxeñeiros Industriais de Galicia (ICOIIG), con CIF Q1570003B y con domicilio na Rúa Alameda, 30-32, 8º 15003 A Coruña, actuando en nome e representación da mesma, no uso das facultades do seu cargo recollidas no artigo 40 dos estatutos do Ilustre Colexio Oficial de Enxeñeiros Industriais de Galicia (ICOIIG) Decreto 160/2007, de 26 de xullo. (DOG 9 de Agosto).

Intervén D. Manuel Xosé Lorenzo Penela, Secretario de Administración municipal, ós meros efectos de asistencia ó Sr. Alcalde – Presidente e dación da fe pública no outorgamento do presente documento, por delegación da Secretaria de Goberno local (Resolucións de datas 19.09.2011 e 20.03.2013).

Os comparecentes, no concepto en que interveñen, recoñécense reciprocamente a lexitimación e a capacidade legal necesaria para o outorgamento e formalización do presente Convenio e, como antecedentes e motivación deste acordo de vontades,

**EXPOÑEN**

**PRIMEIRO:** Que o Concello de Vigo a través da Concellería delegada da Area de FOMENTO, correspóndelle as atribucións e en materia de Vías e Obras; Parque Móbil e Parque Central, Electromecánicos, oficina de supervisión de proxectos, así como o seguimento da xestión dos servizos públicos con especial incidencia en aqueles que se xestionan indirectamente a través de empresas concesionarias. Así mesmo correspóndelle impulsar dun xeito eficaz o acceso electrónico



dos cidadáns ós Servizos Públicos, dirixindo e planificando os procesos dende o Servizos de Informática.

**SEGUNDO:** Que FAIMEVI é unha entidade sen ánimo de lucro, fundada en abril de 2004, por iniciativa da Unión Europea, a través do programa SAVE II, co fin de alentar accións a nivel local e rexional para a utilización eficiente da enerxía e o uso dos recursos enerxéticos locais. Dentro das súas funcións atópase incentivar a difusión do uso racional da enerxía, dos recursos enerxéticos locais e das fontes renovables nos sectores da administración pública, produción de bens e servizos (pemes e industria) e sector doméstico, así como difundir a información sobre a enerxía entre a cidadanía.

Tamén contéplase nos fins fundacionais fomentar os mecanismos de comunicación, interrelación e coñecemento entre as diversas iniciativas sobre aforro, eficiencia enerxética e fomento das enerxías renovables impulsadas polos organismos dedicados a tales fins, establecendo as relacións de cooperación necesarias.

**TERCEIRO:** Que o Ilustre Colexio Oficial de Enxeñeiros Industriais de Galicia (ICOIIG) é unha corporación profesional de dereito público que engloba a persoas coa titulación de Enxeñeiro Industrial que desenvolven a súa profesión no ámbito xeográfico de Galicia e cuxo obxectivo é defender os lexítimos intereses dos colexiados así como ordenar e valorar a súa actividade profesional na sociedade. Entre as súas funcións atopamos as de exercer cantas funcións podan serlle encomendadas polas distintas administracións públicas, así como asesorar a organismos do Estado, comunidades autónomas, corporacións locais, e impulsar o desenvolvemento de actividades científicas, técnicas, económicas, sociais e culturais relacionadas coa profesión.

Que o Concello de Vigo a través da AREA DE FOMENTO, FAIMEVI e o ICOIIG, teñen vontade de colaborar mutuamente para permitir o desenvolvemento de accións conxuntas encamiñadas á promoción e desenvolvemento dos seus intereses e de maneira especial en relación a organización das III Xornadas Técnicas Galegas como foro de estudo e coñecemento do proxectos tecnolóxicos en relación o desenvolvemento sostible da sociedade, centrando o tema de estudo para este ano 2014 no título de "SMART CITIES & COMMUNITIES".

A tal efecto, as partes acordan subscribir o presente Convenio de Colaboración, que se rexerá de conformidade coas seguintes:

## **CLÁUSULAS**

### **PRIMERA. OBXECTO.**

O Concello de Vigo a través da AREA DE FOMENTO, ten por obxectivo organizar en colaboración de FAIMEVI e o ICOIIG, as III Xornadas Técnicas Galegas como foro de estudo e coñecemento do proxectos tecnolóxicos en relación o desenvolvemento sostible da sociedade, centrando o tema de estudo para este ano 2014 no título de "SMART CITIES & COMMUNITIES". Estas terceiras



xornadas centraranse no coñecemento de experiencias practicas, así como nos avances no ámbito das SMART CITIES, procurando o desenvolvemento de accións para aglutinar ponencias de expertos de recoñecido prestixio, profesionais e empresas líderes a nivel estatal como internacional.

Os principais obxectivos serán:

- Proporcionar un espazo de difusión, posta en común e debate entre académicos, profesionais e empresas para analizar a situación e o futuro das cidades intelixentes nos ámbitos máis destacados.
- Difundir os conceptos de cidade intelixente e todo o que se crea e move ao seu arredor, fomentando o coñecemento e interese polas novas tecnoloxías que iso leva consigo.
- Divulgar temas de actualidade sobre cidades intelixentes realizadas por e para profesionais do sector
- Dar a coñecer experiencias e proxectos, e profundar no papel de cidade intelixente no futuro próximo.

FAIMEVI e o ICOIIG actuarán como colaboradores especializados no ámbito do obxecto deste convenio, nas tarefas técnicas de organización, colaboración e cooperación necesarias para un mellor desenvolvemento destas III Xornadas Técnicas, que terán como referencia para a súa organización o contido do resumen do anexo I, a este convenio.

## **SEGUNDA. OBRIGAS PARA AS PARTES.**

Para o debido cumprimento do obxecto do presente Convenio de Colaboración, establece a seguinte distribución de obrigas para as partes asinantes deste convenio:

### **1.- Obrigas para o Concello de Vigo:**

a.- O Concello de Vigo a través da Area de Fomento, coordinará as actuacións necesarias para un correcto desenvolvemento do obxecto do convenio. Esta labor de coordinación será desenvolta baixo a coordinación conxunta do Xefe da Area de Fomento e o Xefe de Servizo de Electromecánicos.

b.- O Concello de Vigo a través dos seus propios medios, desenvolverá todos os aspectos de comunicación necesaria para difusión da celebración destas xornadas técnicas.

c.- O Concello de Vigo facilitará a tramitación das necesidades vinculadas a organización destas xornadas técnicas en relación a colaboración de recursos propios do Concello de Vigo.

d.- O Concello de Vigo asumirá os gastos de organización exclusivamente relacionados coa imaxe corporativa das xornadas, así como das accións de comunicacións necesarias para unha adecuada difusión do evento a desenvolver durante un período mínimo dun mes antes da celebración das xornadas. O proxecto de imaxe e difusión destas xornadas será desenvolto de maneira conxunta entre os créditos vinculados as Concellerías implicadas da AREA DE



FOMENTO. Dito gasto terá un límite orzamentario máximo de 21.530,29 euros, o IVE engadido.

## 2.- Obrigas para FAIMEVI:

FAIMEVI, comprométese a desenvolver as tarefas necesarias para a dinamización e organización das diversas actuacións e procesos necesarios en relación a organización executiva das III Xornadas Técnicas a través da súa estrutura, que de forma concreta establécense en:

a.- Fará as propostas técnicas oportunas en relación o deseño, execución e difusión das actuacións previstas no proxecto de organización, así como para o programa científico.

b.- Establecera a través de recursos propios ou externos, os traballos derivados da “secretaría técnica de organización” III Xornadas Técnicas “SMART CITIES & COMMUNITIES” 2014. En relación os ingresos a través da función de secretaría técnica FAIMEVI, facilitará o proceso de inscrición dos asistentes as xornadas para o cal o Comité Organizador poderá establecer unha cota de matrícula, que ingresará FAIMEVI como recursos directos para sufragar os gastos derivados da organización. Dentro destas responsabilidades de organización Faimevi asumirá os abrigos económicas derivadas de:

- A secretaría técnica para a organización das Xornadas.
- O aluguer do lugar de celebración, a seguridade, azafatas, e o control de accesos e asistencia.
- O equipo audiovisual e outros medios técnicos necesarios para a celebración do evento.
- O aluguer da zona de exposición, os estánds, a subministración de enerxía e o acceso a internet.
- Os servizos de catering.
- A confección e subministración dos materiais entregables aos asistentes.

c.- FAIMEVI, estará autorizada a realización de xestión para a captación de recursos externos para a colaboración na financiación do proxecto organizativo das III Xornadas Técnicas “SMART CITIES & COMMUNITIES” 2014, como patrocinadores.

d.- Fomentará, estimulará e promoverá iniciativas e suxestións dos axentes técnicos e científicos implicados no ámbito das SMART CITIES para as actuacións conxuntas de promoción.

Realizar cantas xestións sexan necesarias con outras institucións ou entidades privadas para a consecucións de apoios o proxecto.



3.- Obrigas para o ICOIIG :

a.- Formará parte do Comité Organizador das III Xornadas Técnicas e fará as propostas técnicas oportunas en relación o deseño, execución e difusión das actuacións previstas no proxecto de organización, así como para o programa científico.

b.- Facilitará ao Comité Organizador a través da WEB do ICOIIG, un enlace para a difusión do enlace das Xornadas Técnicas. Ademais realizará a difusión de información a tódolos seus colexiados e empresas do sector.

c.- Colaborará na promoción das xornadas entre as entidades privadas e públicas especializadas no ámbito das SMART CITIES, para a consecución de posibles colaboradores técnicos, patrocinadores e asistentes das Xornadas.

d.- Colaborará directamente na organización das xornadas nos aspectos técnicos e de coordinación na execución das diversas ponencias e conferencias.

4.- Obrigas de coordinación entre as partes:

Ademais das obrigas específicas de cada entidades, o Concello de Vigo, FAIMEVI e o ICOIIG, traballarán de modo coordinado en aquelas actuacións necesarias para xerar cantas iniciativas ou propostas sexan oportunas para potenciar o desenvolvemento xeral das III Xornadas Técnicas Galegas.

Para a coordinación das actuacións de comunicación o Concello de Vigo autorizará as entidades colaboradoras a utilización da imaxe corporativa do Concello de Vigo, así como a propia das xornadas técnicas para o desenvolvemento das accións necesarias en relación a promoción e captación de recursos externos para o proxecto.

No desenvolvemento das actuacións as tres entidades manteranse informadas das súas actividades a través do Comité Organizador.

**TERCEIRA.- FINANCIAMENTO DAS XORNADAS TÉCNICAS.**

O desenvolvemento do obxecto do Convenio non levará consigo obrigas de contraprestacións económicas entre as partes. Cada entidade farase cargo dos custes directamente vinculados o desempeño das obrigas de cada entidade.

Para o financiamento das obrigas derivadas da “secretaría técnica”, o Comité organizador establecerá as cotas de inscrición como asistentes, así como diversos niveis de colaboradores como patrocinadores das Xornadas Técnicas. Ditas tarefas atópanse incluídos dentro das funcións de FAIMEVI.



#### CUARTA. COMITÉ ORGANIZADOR.

Para que a coordinación sexa efectiva creárase un Comité organizador integrado por un mínimo de dous representantes de cada unha das tres entidades asinantes do convenio. Este Comité organizador será o encargado de aprobar o programa definitivo, así como as diversas propostas para levar a cabo o desenvolvemento xeral das III Xornadas Técnicas.

#### QUINTA. VIXENCIA DO CONVENIO.

A vixencia deste convenio alcanza o período comprendido entre a data da sinatura polas partes, ata un máximo de tres meses posteriores a data da finalización das xornadas técnicas, como período para a presentación da memoria de xestión das xornadas.

#### SEXTA. XUSTIFICACIÓN DA CELEBRACIÓN DAS XORNADAS TÉCNICAS.


FAIMEVI, como entidade responsable da “secretaría técnica”, elaborará unha memoria, na que se recollan todos os aspectos referentes a celebración das xornadas técnicas e na que figurará o ICOIIG como coeditor.. Esta memoria será publicada na páxina web das xornadas técnicas, xunto coas das xornadas anteriores, celebradas en 2012 e 2013. Para a elaboración desta memoria, as tres entidades asinantes achegarán toda a información que o Comité Organizador xulgue de interese.

#### SÉTIMA. DENUNCIA OŪ RESOLUCIÓN DO CONVENIO.

O incumprimento de calquera das cláusulas deste convenio poder ser denunciada polas partes, sendo facultada o Comité organizador para resolver as posibles controversias derivadas da execución e interpretación do convenio.

Así de conformidade con canto antecede e no exercicio das facultades de que son titulares cada un dos asinantes, subscriben este Convenio por triplicado na data que encabeza o convenio.

Fundación Axencia Intermunicipal da  
Enerxía de Vigo (FAIMEVI)



D. Bernardo Parajó Calvo

Colexio Oficial de Enxeñeiros Industriais  
de Galicia (ICOIIG).



D. Abel Caballero Alvarez

Concello de Vigo



D. Abel Caballero Alvarez